



Publicaziuns officialas dils 20-09-2019

Damondas da baghegiar

Nr. 97/2019

Datum da publicaziun: 20-09-2019
Patrun: Bearth Rest Andriu, 7175 Sumvitg
Liug e parcellas: Cavischlè; 1544
Object: engrondaziun d'ina finiastra e construcziun d'ina terrassa

Nr. 99/2019

Datum da publicaziun: 20-09-2019
Patrun: Steiner Markus, 7173 Surrein
Liug e parcellas: Reits; 1441
Object: nova lingia d'aua, nova platta da batun avon casa e sanaziun interna

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 20-09-2019

Cumissiun da baghegiar

Iluminaziun publica per Pardomat Dado

Introducziun dalla procedura da perimeter

Sebasond sin la lescha da perimeter dalla vischnaunca da Sumvitg e sin l'ordinaziun davart la planisaziun dil territori pil cantun Grischun ha la suprastanza communal decidiu en sia seduta dils 12-08-2019 l'introducziun dalla procedura da perimeter per l'illuminaziun publica da Pardomat Dado. L'interessenza publica ei vegnida fixada sebasond sin art. 6 al. 2 dalla lescha da perimeter e sil plan general d'avertura traffic sin 10 %.

Il territori cumpeglia las parcellas

12 14 15 16 19 28 30 31 4969 5181

La cumpart prozentuala vid ils cuosts che croda a mintga singul proprietari ei vegnida calculada provisoricamein e communicada ensemen cul conclus da perimeter.

Il plan da perimeter ei exponius ella scaffa d'informaziun avon canzlia communal e sin nossa pagina d'internet www.sumvitg.ch per investa.

Encunter il conclus dall'introducziun dalla procedura da perimeter cun las essenzialias da quel sa vegnir fatg protesta enteifer 30 dis dapi questa publicaziun a scret e motivau tier la suprastanza communal.

Sumvitg, 20-09-2019

Suprastanza communal Sumvitg

Curdem da gronda dimensiun

La vischnaunca organisescha ina rimnada da rufid bloccont sco suonda:

Venderdis, ils 18 d'october 2019 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regiunala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electriche cun e senza ieli e.a.v.),
- mobiliar movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzers da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ei pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzers da rodas, aissa-rulletta e.a.v.),
- blachas da ballas da silo (verdadas ed alvas),
- curdems da baghetg (linoleums, izolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras las scolas resp. las uniuns.

Ils suandonts rumians vegnan rimnai cun ils rumians jamnils e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directives en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Uffeci forestal Sumvitg

Naven da gliendisdis, **ils 14 d'october 2019**, vegnan duas stortas dalla via d'uaul Glivers betunadas. Pertuccadas ein las stortas a Gutrusas e Cuolms da Tscheps. Per exequir las lavurs sto la via vegnir serrada naven dils Cuolms da Tscheps ensi per tut il traffic motorisau. La via resta era serrada sur notg e la fin d'jamna. A pei e cun velo eis ei pusseivel da passar. Las lavurs cuozan circa 3 – 4 jamnas.

Dapli informaziuns survegnis vus dil selvicultur da revier, Flurin Cathomas (079 681 19 67).
Engraziel per Vossa capientscha

Sumvitg, 20-09-2019

Uffeci forestal Sumvitg

Serrada dalla via Rosas

A partir dils 19 d'uost 2019 vegn il conduct d'aua dalla firma Axpo sanada sil tschancun denter Bogn Tenigia e Runcahez. Per exequir las lavurs sto la via da Rosas denter la Val Caho e la Val Camenisch vegnir serrada per tut il traffic motorisau. A pei e cun velo eis ei pusseivel da passar. Las lavurs cuozan entochen la fin november 2019.

Dapli informaziuns survegnis vus tiel l'Axpo Hydro Surselva AG / Tavanasa tel. 081 929 25 11.
Engraziel per Vossa capientscha.

Sumvitg, 20-09-2019

Axpo Hydro Surselva AG

Vischnanca Sumvitg

Meglieraziun generala Sumvitg

Exposiziun publica da la termaziun dal possess nov Sa basond sin l'art. 38 da la lescha da meglieraziun dal chantun Grischun (LMG; DG 915.100) vegn exponida publicamain la termaziun dal possess nov da la meglieraziun generala da Sumvitg.

Actas d'exposiziun:

- partiziun dal plan 1:30 000
- plans da termaziun:
- nr. 1–36 e 38, 1:1000
- nr. 37, 1:2000
- nr. 39, 1:10 000

Per orientaziun:

register dals proprietaris e da las parcelas

Lieu d'exposiziun:

Anteriura chasa da scola Cumpadials, Via Vitg 41, 7176 Cumpadials

Durada da l'exposiziun:

da venderdi, ils 20 da settember fin glindesdi, ils 21 d'october 2019, mintgamai glindesdi fin venderdi da las 13.00 fin las 18.00

Infurmaziuns:

Il parsura da la cumissiun da stimaziun da Sumvitg e l'inschigner responsabel stattan a disposiziun mesemna, ils 2 d'october 2019, da las 16.30 fin las 18.00, en il local d'exposiziun per dar infurmaziuns.

Protestas:

Protestas cunter terms che mancan u ch'èn mess falladamain sco er cunter cunfins che n'èn betg termads tenor la repartiziun nova e tenor la liquidaziun da protestas ston vegnir inoltradas

en scrit e cun ina motivaziun fin il pli tard glindesdi, ils 21 d'october 2019 (bul postal), al parsura da la cumissiun da stimaziun da Sumvitg, signur Conrad Dalbert, Crap Martin 6, 7158 Waltensburg/Vuorz. Protestas cunter la nova repartiziun n'èn betg pli pussaivlas.

*Uffizi d'agricultura e da geoinformaziun
Daniel Buschauer*

Gemeinde Sumvitg

Gesamtmelioration Sumvitg

Öffentliche Auflage der Vermarkung des neuen Bestands

Gestützt auf Art. 38 des Meliorationsgesetzes des Kantons Graubünden (MeIG; BR 915.100) wird die Vermarkung des neuen Bestands der Gesamtmelioration Sumvitg öffentlich aufgelegt.

Auflageakten:

- Planeinteilung 1:30 000
- Vermarktungspläne:
- Nr. 1–36 und 38, 1:1000
- Nr. 37, 1:2000
- Nr. 39, 1:10 000

Zur Orientierung:

Eigentümer- und Parzellenverzeichnis

Auflageort:

Ehemaliges Schulhaus Cumpadials, Via Vitg 41, 7176 Cumpadials

Auflagedauer:

von Freitag, 20. September, bis Montag, 21. Oktober 2019, jeweils Montag bis Freitag von 13–18 Uhr

Auskunftserteilung:

Der Obmann der Schätzungskommission Sumvitg und der ausführende Ingenieur stehen am Mittwoch, 2. Oktober 2019, von 16.30 bis 18 Uhr im Auflagelokal zur Auskunftserteilung zur Verfügung.

Einsprachen:

Einsprachen gegen fehlende oder falsch gesetzte Grenzzeichen sowie gegen nicht gemäss Neuzuteilung und Einsprachenerledigung vermarktete Grenzen sind bis spätestens Montag, 21. Oktober 2019 (Poststempel), schriftlich und begründet an den Obmann der Schätzungskommission Sumvitg, Herrn Conrad Dalbert, Crap Martin 6, 7158 Waltensburg/Vuorz, zu richten. Einsprachen gegen die Neuzuteilung sind nicht mehr möglich.

*Amt für Landwirtschaft und Geoinformation
Daniel Buschauer*

Uniun gimnastica da dunnas Rabius

Invitaziun alla radunonza generala gliendisdis, ils 23 da settember 2019 allas 20.00

ell'ustria «Greina» a Rabius. Has ti forsa e gust da vegnir a far gimnastica cun ina coola truppa da dunnas? Nus fagein fitness per gl'unviern, badminton, dein giugs sco per exempel unihockey, ballareit, ni tener nies tgierp fit cun step aerobic. Vegni semplamein gliendisdis alla radunonza. Nus selegrein da tei. *Il comite*

Invitaziun

Alla radunonza extraordinaria da Sumvitg Turissem, venderdis, ils 11 d'october 2019
allas 20.00 uras ell'ustria Miraval a Sumvitg

Gliesta da tractandas

1. Beinvegni
2. Elecziun d'in dumbravusch
3. Orientaziun pertuccont nova convegnoientscha denter Sumvitg Turissem e la vischnaunca da Sumvitg.
4. Tractaziun ed approbaziun dalla convegnoientscha denter Surselva Turissem e Sumvitg Turissem
5. Varia

Dallas convegnoins dalle tractandas 3 e 4 sa vegnir priu investa naven dils 20-09-2019 durant il temps d'avertura ella canzlia communal a Sumvitg.

Sco hosp astga Sumvitg Turissem beneventar Kevin Brunold, il meinafatschenta da Surselva Turissem.

Bugen sperein nus ch'in numerus diember da commemoras e commembers resalvien quella sera en favur dil turissem.

Sumvitg, 20-09-2019

Sumvitg Turissem

Rimnada da pupi e cartun

Venderdis, ils 4-10-2019

All'entschatta ina supplica: Per simplificar in tec nossa lavur, fussen nus fetg engrazieivels, sch'il pupi savess vegnir ligiaus aschia ch'ils pachets dattan buca dapart. Tier il cartun vala il medem. Fagei aschi bien e ligei era cheu ensemen quel tier pachets. Quei fuss in grond levgiament per nus che rimnein il pupi e cartun. Per mintgina e mintgin da Vus ina pintga caussa e per nus in enorm avantatg. Sch'enzatgi vul menar sez siu pupi e cartun tier las muldas, lu sesanflan quellas a Rabius, Cumpadials, Sumvitg ed a Surrein.

Rimnada:

avonmiezdi: Rabius, Sumvitg – Cumpadials – S. Benedetg e Clavadi

suentermiezdi: Surrein

Grond engraziament per Vossa capientscha e bunaveglia *scolaras e scolars cun las personas d'instrucziun dil Consorzi da scola Sumvitg-Trun*